

華

陽

集

華

御製題武英殿聚珍版十韻

有序

校輯永樂大典內之散簡零編並蒐訪天下遺籍不下萬餘種彙爲四庫全書擇人所罕覩有裨世道人心及足資考鏡者剞劂流傳嘉惠來學第種類多則付雕非易董武英殿事金簡以活字法爲請旣不濫費棗梨又不久淹歲月用力省而程功速至簡且捷考昔沈括筆談記宋慶歷中有畢昇爲活版以膠泥燒成而陸深金臺紀聞則云毘陵人初用鉛字視版印尤巧便斯皆活版之權輿顧埏泥體麤鎔鉛質軟

俱不及鋟木之工緻茲刻單字計二十五萬餘雖數
百十種之書悉可取給而校讐之精今更有勝於古
所云者第活字版之名不雅馴因以聚珍名之而系
以詩

稽古搜四庫於今突五車開鑄思壽世積版或充閣張

帖唐院集周文梁代餘同為製活字用以印全書精越

鵝冠體

昨歲江南所進之書有鵝冠子即活字版第字體不工且多訛謬耳

富過鄴架儲

機圓省雕氏功倍謝鈔胥聯版事堪例埏泥法似疎毀

銅昔悔彼

康熙年間編纂古今圖書集成刻銅字為活版排印歲工貯之武英殿歷年既久銅字或

被竊缺少司事者懼干咎適值乾隆初年京師錢貴遂
請毀銅字供鑄從之所得有限而所耗甚多已為非計
且使銅字尙存則今之印書不更事半功倍平深為惜之刊木此慙予既復羨梨棗

還教慎魯魚成編示來學嘉惠志符初

乾隆甲午仲夏

卷四

七言律詩四十三首

卷五

七言律詩三十三首

卷六

七言絕句二十首

帖子詞

宮詞歌
詞附

一百六十四首

卷七

奏狀三十三首

卷八

劄子三十六首

卷九

表十五首

卷十

表二十八首

卷十一

表九十一首

卷十二

表三十七首

笏記十首

卷十三

內制三十六首

卷十四

內制四十七首

卷十五

內制六十二首

卷十六

內制三十九首

卷十七

內制五十六首

卷十八

內制六十五首

卷十九

內制七十七首

卷二十

內制三十九首

卷二十一

內制三十九首

卷二十二

內制四十三首

卷二十三

內制四十八首

卷二十四

內制一百一十一首

卷二十五

內制三十四首

卷二十六

內制三十一首

卷二十七

外制三十首

卷二十八

外制四十一首

卷二十九

外制四十四首

卷三十

外制五十一首

卷三十一

外制四十五首

卷三十二

冊文五首

祝文六十一首

祭文四首

賀詞八首

卷三十三

問二首

議十三首

卷三十四

序五首

啓三首

卷三十五

神道碑四首

卷三十六

神道碑三首

卷三十七

誌銘五首

卷三十八

誌銘十首

卷三十九

誌銘附墓記 十七首

卷四十

誌銘附墓記 十二首

臣等謹案華陽集宋王珪撰珪字禹玉成都華陽人後徙舒舉慶歷二年進士第二授大理評事累官翰林學士知開封府兼侍讀學士神宗時拜尚書左僕射門下侍郎哲宗卽位封岐國公卒贈太師諡文恭事蹟具宋史本傳其功業無可稱晚居

相位與蔡確比而沮司馬光尤爲物論所不予然其文章則豪贍瓌麗自成一家掌制誥者幾二十年朝廷大典策皆出其手氣象闳達詞筆典贍足繼二宋後塵故王銍謝伋陸游楊萬里等無不稱之至其詩以富麗爲主故王直方詩話謂當時有至寶丹之號要其挾藻敷華細潤熨貼精練處實復不少正不獨葛常之方回所稱明堂慶成上元應制諸篇爲工妙獨絕也原集一百卷陳振孫書錄解題宋史藝文志著錄皆同然自明以來久已

湮沒宋文鑑文翰類選等書僅載其文數首今從
永樂大典各韻中裒綴排比所存詩文尚多其中
青詞密詞默詞醮詞齋文道場文功德疏及教坊
致語之類均非文章正軌謹稟承

聖訓槩加刪削重編為四十卷用聚珍版摹印以廣其
傳焉乾隆四十六年九月恭校上

總纂官內閣學士臣紀昀

光祿寺卿臣陸錫熊

纂修官翰林院編修臣周厚轅

華陽集卷一

宋 王 珪 撰

樂章

皇帝冬至御大慶殿舉第一盞酒奏慶雲之曲
乾坤順夷皇有嘉德爰施慶雲承日五色輪囷下垂萬
物皆飾維天祚休長被無極

皇帝冬至御大慶殿舉第二盞酒奏嘉禾之曲
太平之符昭發衆瑞爰有嘉禾異隴合穗大田如雲旣
穫旣刈野人愉愉不亦有歲

五言古詩

白鷺亭

白鷺敞西軒棟宇窮爽塏千峰若聯環翠色不可解是
時天宇曠六幕無纖靄金斗熨秋江素練橫衣帶乾坤
清且斂氣象朝昏改蘆花作雪風飛舞來滄海九霄汀
鶴起萬里檣烏快月上三山頭烏沒橫塘外蒼茫洲渚
寒銀錯星斗大開樽屏絲竹披襟向簫籟余生本江湖
偃蹇欣作會清興雖自發苦嗜亦吾累魚龍憑夜濤四
面忽滂湃安得犀燈然煌煌發水怪

和景彝謂扶出者

天子重論秀待之以公卿志士抱奇節猶或場屋輕學
能苦自琢詩書腹縱橫胡爲懷袖間挾冊角羣生訶卒
闕其旁執衣來叩楹狂狙就新縛跳突哀且鳴豈不念
寒孤顧有素令明利祿非可苟辱甚捨弗烹

來燕堂聯句

賢侯謝郡歸從遊樂吾黨林泉富餘地卜築疏陳莽是
時春正中來燕音下上若賀大厦成喜留衆賓賞槩得
名因笑談揮墨粲題榜所夸賢豪盛豈止池榭廣人心

樂且閒鳥意頡而頡吟罇做花軒醉枕酣風幌脩輕雲
薄藻棟初日麗珠網紅袂生暗香清絃泛餘響林深隱
飛蓋岸曲遲去槩波光欄檻明竹氣衣巾爽珪虛容涼
越入影與文漣蕩晨飈轉綠蕙夕雨滋膏壤嘉辰喜盍
朋命駕期屢往觴詠陶淑真世俗豈吾傲洙得以爲勝
遊蕭然散煩想公子固好士世德復可像今此大基構
不圖專奉養美哉風流存來葉足師仰絳

七言古詩

樓上述懷

空樓百尺江之滸醉上凭軒懷故土數鴻秋入衡陽雲
一帆暮過瀟湘雨庾客傷心欲斷絃文通別淚空橫柱
舊山幾畝林泉鄉安得歸兮事農圃

和承叔思白兔戲答公儀憶鶴雜言

兔自明月窟中出鶴從羣玉峯頭下人間俗眼未嘗窺
已爲兩家藏以詫玉堂詞人本仙材光芒偶落銀河罅
謫向埃塵五十春所趣無一不瀟洒爲愛霜蹄特皎潔
貯以雕籠綠櫺亞有時驚躑歛若犇丹眸眩轉雙珠射
靈昌太守新歸來惜將清淚寄京舍玉繩低闕春露寒

常恐陰林惡聲嚇傳宣忽出右銀臺詔急許馳天廄馬
卻辭丹陛鎖南宮兔鶴欲攜俱不暇是時雪後簾幕明
燈火冷落入清夜兩翁相顧悅有思便索粉牋揮筆寫
有客月底吟影動猝繼新章亦奇雅大都吟苦不無牽
遂約東家看姪姪醉翁良憤詆高懷卻揮醉墨幾欲罵
我聞此語初未平隨手欲和思殊寡玉山滄海莫放翻
然歸織腰綠鬢何妨爲君倒金尊

和梅聖俞感李花

朝摘桃花紅破萼暮摘李花繁滿枝客心浩蕩東風急

把酒看春能幾時舞衣未放哀絃闕鸚鵡欲鳴花影絕
將軍白首不功名霸陵千古流青血

和聖俞莫登樓

莫登樓樓外華燈人競遊翠枝威威六素蚪鳴梢一聲
從天頭金爐烟開雉尾收正見月射雙瓊鉤半峰飛泉
落驚漚噓呵紫霧魚龍浮絃清管高脆欲流霜寒雛鳳
丹山愁臺上美人春風柔舞腰回急寶釵投禁街特勅
香車留簾疎的皪排星眸畫省宵閒空翠幃束如窮兔
離新罌况驚白髮心悠悠安復繁華事輕裘寄言俠少

誰爲儔爛醉玉樓歌始休

和敬叔弟七月十二夜胡伯恭園池對月卽事之作

小庭追涼月生衣紅蕖靜對丹桂枝凌波亭亭仙佩冷
弄香嫋嫋香風吹百憂身世得一笑二妙風流此一時
闌干獨夜發深省憑詩寄與心相知

五言長律

郊祀慶成詩

國重天之報神歆德所存孝須三后配禮莫一郊尊翠

羽來千仗鳴鐃下九閭服維周冕盛樂自舜韶温未酌
羣靈降先祠萬玉犇黃流凝夕裸紫燄亘霄燔星拱低
宸幄雲回護帝轅祥輝新日月佳氣浹乾坤紹古歸鴻
鑠含生濯至恩欽惟齋格至仰福在元元

又

案集中有進郊祀慶成詩引狀
二篇此詩與前首非一時所作

有宋乘炎運于今邁百年祖功雖不易子聖自能傳寶
歷迎長至神丘放大圜靈宮千福降清廟一誠專翠仗
鉤陳下青城斗極邊側班回衆弁虛次待高煙晦霧初
宵斷晴雲未曉鮮天形何磊落帝步亦周旋麗澤沾魚

鳥休歌被筦絃歡聲兼嶽動和氣與春連在昔開鴻業
斯民入化甄監危常稟稟受祉更乾乾此日膺神筴孤
臣老禁筵願將成命頌獨奏邇英前

大饗明堂慶成詩

皇祐更秋律明堂奉帝禋粢盛雖薦德霜露本懷親於
赫朝三后無文秩百神九筵交玉幣重屋近星辰邃幄
留飈御清壇墮月津衣冠漢儀舊金石舜韶新受胙開
宣室鳴鐘降紫宸羣陰光復旦協氣斗回春靈貺叢千
祝豐恩滲四垠慙非老辭筆徒學頌堯人

依韻恭和聖製俯同太師文彥博玉津園賜宴席
上述懷

上苑張瑤席春風萬象新誰知掛冠客曾是釣璜人感
遇歸真主勲勞念老臣曲成雙鳳舞酒入百花醇日月
恩華滿朝廷喜氣均天章照黃髮異數極君仁

從駕至開寶寺慶壽崇因閣依韻和吳相公

崇因開寶構金碧晝相輝禁蹕隨曦馭層城轉斗機梵
音獅子吼妙相鴿王歸洛水浮神篆天花滿御衣塔疑
從地湧棟擬入雲飛上行乘今果羣超悟昨非慧珠常

自照法雨徧成霏但起真如念梯梁即可幾

擬試置章御座二首

睿聽來嘉論憂勤政事昌
顒顒瞻帝座謬謬置臣章
語切青規上文留黼展
旁受言初拜禹罪己忽興湯
進牘須盈几垂衣豈下堂
只應千載治危諫屬忠良
君心圖治切座置直臣
章密奏留中辰虛懷拱峻
廊聰明開二帝道德勸三
王溫室焚初藁丹帷緝舊
囊程書勞夜覽造膝被天
光欲識憂民意忠規不可忘

采藻為旒

皇祐五年南省擬試

端展垂君治顒昂十二旒
藻文兼組爛玉氣若虹浮
體重宸居邃仁深帝視收
珠光延外燭星采會中稠
法服雖周盛巖廊自舜遊
無為格天下涵德永孚休

喜定號

憶昨懷君詔章臺聽暮鐘
人從太微下書自道山共
彩鳳看飛筆長虹見吐胷
冤家成行對謂對側理入腰封
謂封海闊珠難採山輝玉易攻
別吟平樂賦高第唱西

題瑞芝圖

樂國芝呈瑞賢侯貳郡時甘棠方蔽芾仙草亦葳蕤異
種傳三秀靈華粲九枝幽陰吐光怪朽腐化神奇美政
邦人頌嘉祥聖主知特書輝史策寵錫下天墀治行能
如此公台到匪遲誰爲燕許手灑筆播聲詩

七言長律

依韻和王宣徽奉安中太乙神像

太乙真庭結寶壇中涵元象本無言三山波湧樓臺近
北極星環劍佩尊歲入飛宮初在丑神移列馭直從坤
妖氛自逐靈旂捲瑞藪常登御廩蕃曉日破紅浮鬪拱

夕雲凝紫護周垣龍隨聖筆棲碑首鶴帶仙書語洞門
天馬應歌來仗衛嶽祇聯職聽朝昏傳聞詞客新吟苦
玉案纔承上帝恩

華陽集卷一

華陽集卷二

宋

王

珪

撰

五言律詩

竹

天地得正氣四時無易心生來本孤節高處獨千尋月
影龍蛇動風枝簫籟吟如何楓與柳亦擬傍清陰

荷葉

柄密藏溪路香清盪客襟碧筒聊助飲紫橐自供吟魚
戲涼波動龜巢夕霧深橫塘雙槳急菱唱有餘音

梅花

冷香疑到骨瓊豔幾堪餐半醉臨風折清吟拂曉觀贈
春無限意和雪不勝寒桃李有慙色枯枝試並欄

奎律髓評是詩云起句卜字已不苟
中二聯皆清爽不可以至寶丹忽之

秋風

獵桂來鍾嶺玃椒度漢宮雲飛汾水濶葉下洞庭空海
國檣帆壯邊城鼓角雄誰知洛陽客歸意在江東

喜雪

大野重陰合危樓遠望迷風兼萬籟響天與四溟低病

樹先春發驚鳥未曉啼好同伊水客香阜訪靈棲

雪晴

溟渤蕩無垠東嶠掛日輪風雲始迴馭天地不飛塵氣
動千峰翠光浮萬瓦鱗南亭一駐馬十里望青春

林亭

地迴林泉好乘閒會勝遊深沈烟色聚瀟灑雨聲收貧
過揚雄宅狂思范蠡舟寄言賞心友巾褐此經秋

郊外

策馬陟平原天空蕩楚氛秋聲無限葉暮色幾重雲草

遠烟痕濶山迴鳥道分行行吟未已歸路日西曛
卽事

雲日散朝陰清江更一臨北堂無草積南浦有波深春
意饒芳樹晴光動翠岑自慙機亦淺勞起海鷗心
有感

聞笛更懷舊望鴻難寄音西風行客淚明月故人心離
恨江波濶歸期歲景深何時紫溪隱尊酒起狂吟

題招提院靜照堂
身雖居城邑趣不落人間門外塵埃滿庭中日月閻潮

隨朝梵響雨入定衣斑幾欲攜筇去松陰一叩關
書隱者壁

客路森如棘巖樓靜掩關陶巾春漬酒謝屐晚回山醉
夢雷霆息基聲日月閒我慚撓世網暫此一怡顏

聞邵興宗拜命
訪政鳴堯鼓旌賢走漢輪帝方驚主父人已薦平津筆
落三千健恩頒尺一新歸來前席問榮路邇嚴宸

夏日登望海亭
藻棟臨流啓涼飈蕩暑迴清如游玉宇快若在蘭臺海

葉吟中下番航望次來披襟殊未已雲外月弦開

金陵

賞心亭下路平昔艤歸艫游子去何許綠蕪春自芳城
根侵海斷日脚射雲長往事不堪問東風故壘荒

金陵會月

疎颯水風起此宵何太清危樓人未下獨樹鳥頻驚寒
漏三更急秋江萬里橫凄然六朝恨依舊照空城

富谷館

萬雀噪山館重來一扣扉去年寒夢在今日遠書違是

遣使走馬奏平安初寄家書

殘雪留春橐疎星掛曉衣帝鄉不可望

心與白雲飛

發會同館

一持天子節茲喜去龍庭大漠夜猶白寒山春不青峯
多常蔽日地絕欲回星同類惟所適鳴鑣毋暫停

和人聞雁二首

岑寂夜將半一聲來枕前無風起羣籟有月在中天行
子夢初斷故鄉書未傳不須聞別鶴危涕已潸然

塞長霜草白天濶夜雲愁影過空江月聲來別枕秋鄉

音何虛託客恨幾時休况有冥飛志無為弋者求

和聖俞春雪

二月猶逢雪春寒一倍加雲重應阻雁風橫祗愁花碧水離思斷瓊樓醉倚斜誰知下帷苦未曉已聞鴉

依韻恭和聖製龍圖天章閣觀三聖御書

半夜傳君召西清閱帝文筆回丹穴鳳法書要錄有丹穴鳳舞清泉龍

羅之歌起沛中雲案中一御幄金蚪轉仙墀羽仗分君

王自天縱况復睿心勤

依韻和吳相公史院開局

曉下金門路君筵聽召餘簪纓三壽客筆削兩朝書身

老誰逢此案誰一恩深盡醉歎傳聞訪遺事應走史臣

車司馬遷少嘗乘傳求四方諸侯遺事

依韻和王原叔內翰禁直有懷

暮鑰嚴溫省宵鈴靜浴堂銀花無奈冷劉夢得詩銀花懸院榜瑤

草又還芳夢久聞仙吹班清犯曉霜帝閣何所叩一炷

祝堯香

依韻和王宣徽春雨

春入東郊雨油然協氣通曉斯猶未破歲事已知豐輦

鳳翔仙霧臺烏轉瑞風是日東風應候野農徒鼓舞何以謝天功

和王景彛中丞衰病

東風吹畫省衰病若為情自惜春將過相逢老已驚夜愁聊把酒早夢忽聞鶯猶喜年來事門前桃李生

送滕舜敷

七閩雖遠地王事有程期已試文無害定知才不羈仙山觀日處雲海落潮時會府多休暇新詩倘見貽

送史寺丞赴真州六合縣

南國江山好仍聞聚六峯歸心急春浪別夢悵晨鐘手

澤存遺愛

先大夫嘗宰是邑

民歌接舊封涼秋鼓予楫文酒待

相從

送山人程惟象東歸

君來客京洛奇術世所聞人事固倚伏物情徒糾紛衣露九門雨夢繞故山雲飲罷忽東去浩歌秋日曛

送人南歸

自得歸休請勞生事已平幾年懷故隱此日悟浮榮車騎少塵迹溪山多去情所安清白望真可激時英

送僧歸吳中

閒心輕出世遠念起游方
漱月拋茶井眠雲夢草堂歸
程指山色去影背湖光
欲問重來日孤雲未可量

仁宗皇帝輓詞五首

忽覺宮車晚乘雲御帝鄉
空餘羣玉殿不奏萬年觴
白髮孤臣淚黃塵九陌荒
返虞歌未斷陵柏已蒼蒼
西葬青嵩道千秋豈復晨
皇圖先與子廟號獨稱仁
二帝衣裳舊三王禮樂新
茂陵書奏晚不及議東巡
七月橫宮曉愁看動素旂
乾坤清淚滿車駕昔遊非落

月低黃繖流塵止玉衣蒼梧何日返
耘鳥傍陵飛
平昔傳清蹕金輿下紫宸
忽從滄海宴遂隔屬車塵
劍落橋山夜衣留漢廟春
東廂朝聖子絕慟見羣臣
憶昨頒遺詔猶聞玉几香
鼎湖龍已去汾水雁空翔
北極星辰暗三山日月長
宸遊在何處尚想赭袍光

英宗皇帝輓詞五首

上主提皇器真人獻赤符
夜書勞玉几夕駕促金鳧
洛自三陵咽嵩猶萬歲呼
誰言虞帝壽終不返蒼梧
一夜催仙仗悲聲到九宸
玉階猶報曉金殿不知春
碧

海無來使青宮有舊臣華封曾未幸應誤祝堯人
欲問俞跗術秦亡世少傳玉書纔命子金鼎已成仙華
渚星猶爛昭陵柏未圓空餘罪己詔不似禹湯年
五載臨朝淺羣生受福多徽名方鏤玉顧命忽陳戈風
露翻金鐸塵埃滿畫鼉從茲天慶節萬壽復誰歌
憶昔承君召春風候禁門曾陪藥珠殿獨賜紫花墩去
年二月十五日蒙召對藥珠殿遼水千年隔鈞天一夢
特賜紫花墩令坐踰數刻乃罷
存龍髯攀不得無路可酬恩

贈司空侍中晏元獻公輓詞二首

震邸陪經席辰階擁化鈞高謨帷幄舊嘉績鼎彝新露
濕銘旌曉塵凝燕榭春許郊民愛厚猶憶相車茵
富貴誰爲並文章世所稀勲名丹史在體貌九天違嵩
極朝權峻台躔夜掩輝空餘舊遊客淚向寢門揮

贈太子太傅李康靖公輓詞二首

議政西清貴辭榮北第開魯岡天與壽荀里世多才象
告中台坼峯驚半嶽摧秋風嵩少路簫鼓有餘哀
陪幄方圖政安車遂告年帝求惇史善人嘆大夫賢故
館西州路佳城京兆阡惟應舊遊客墮淚向碑前

贈禮部尚書唐質肅公輓詞二首

偶歇延英對如何遽不來卹恩天子厚遺直世人哀路
轉侵龍耳星沈近斗魁送車知幾乘莫賦泰山頽

公今葬密

縣秦山下

昔在仁朝日孤忠獨犯顏一身寧自顧萬里偶生還卻
度黃梅嶺重趨玉笋班不知君檻折千古更誰攀

贈太尉鄭文肅公輓詞二首

一擐黃金甲征西戰馬驕十年邊算盡今日旅魂招落
月孤營掩酸風去路遙平生忠烈在史筆冠清朝

星墜將軍府邊山萬木腓誰言夜舟固那復玉關歸旌
旆低寒色簫笳慘夕霏所嗟恩館淚不到九原揮

輓貢南漪三首

齒德人皆仰詩書老更耽福兼鴻範五瑞集鳳雛三歲
月供陶寫江湖入笑談流芳鍾四葉蘭玉儼相參

燕居宣聖像侑坐祖黎公衿佩一朝集絃歌九族同夜
窓書案雪春服舞雩風長使南湖學千秋紀此翁

秀野春如綺平湖水拍天商詩涼月夜把酒狎鷗邊秋
柏已成實寒花誰為妍傷心耆舊盡何用慰華顛

輓董瀾溪二首

六館知名久雙溪避地來交新如舊識世短惜長才悵
望中年別飛騰暮景催墓陵他日淚不獨故人哀
嗜學嘗忘味說詩堪解頤竹林雖晚會濠上獨深知蘭
畹無留馥鳳巢空舊枝停雲正愁望橫笛未休吹

輓胡信芳上舍二首

濠上初相得竹林曾共游清文三峽水爽氣九華秋世
已從新學人誰與此流遺芳端不朽未信蓋棺休

清弋江村外工山右縣邊追遊曾結社許與更忘年郢
斲無爲質牙琴有絕絃巾箱遺墨在披閱一潸然

王公和學士輓詞

念昔攜君手同遊金馬門流年一鳥過白首幾人存星
掛朝衣濕塵埋相印昏聞丞相收卜同日西風原上淚不得灑
清樽

輓吳止水

人生五馬貴不負壯心期竟作青門隱空吟畫戟詩家
聲江表重心事歲寒知未恨風流絕雙珠似可兒有歲寒亭

輓潘昌朝

王朝梧校

道德諸儒表文章大雅人杏園三月暮花縣一回春脫
屣官情薄轉頭時事新猗蘭芳未沫世業不沈淪

輓吳大社退菴子

文獻家聲遠簪纓世德昌幾篇青玉案三佩白銀章北
苑新阡好平原舊業荒百年喬木在留得耐風霜

輓錢公起錢震午兩舉不第

家學三餘足詞場一眼空摘髭連薦鶚點額不成龍酒
上新墳土香銷舊桂藂絕憐楊執戟臨老悔雕蟲

輓董儒仲二首

戰藝升環水論詩得異聞窺園仍舊隱下馬忽新墳白
社真投分青燈憶離羣有書無子讀此事最憐君

復憶同遊處經春在武林湖光浮鷁淨山木坐猿深事
往惟詩在悲來託夢尋朋知零落盡投老若爲心

王樟輓章恬齋

學以明經著名因伏闕聞御書題姓字司業賞程文竟
老諸侯客虛傳五色雲百年公論定往事謾紛紛

王鰲叟輓程學山

人物琴臺妙風流洛社餘心傳七分易家有五車書舊

藁兒編集新廬手拮据九原無起日楚些重歎歔

濮安懿王夫人輓詞二首

王族親無儼皇圖慶有歸神樞曾感電

先帝降生之夕赤光照室有龍

上下仙寢忽藏衣

治平中即濮園立廟夫人已合食廟中

正祚尊仁統新

阡祔濮園朝廷恩稱義孝奏豈天違

曉望青嵩道仙雲滿書輪黃龍盤吉仗翠鳳繞哀珉

命上

宗暉作哀誌文其石周心翔鳳金塗

鏤花錦裏匣納于墓中蓋出殊禮千古徽音在三川

王氣新寂寥餘故壠瑤草又逢春

華陽集卷二

華陽集卷三

宋

王

珪

撰

七言律詩

春日郊外

十里烟郊晝景和春閒流水綠生波樓前人意望無盡
柳上風光來最多雨歇隴雲猶潏潏草薰村燕自經過
惻惻歸路迎殘照猶得桑間駐玉珂

池亭月下獨坐

遊雲銷盡月當空危坐西軒快水風往恨忽從中夜起

華陽集
賞心難與故人同
鼠驚琴匣聞餘響
螢度蓮塘見亂紅
星薄漏稀猶不寐
寒聲通夕戰疎桐

月夜有寄

莎階切切思寒螿
爽籟冷然露氣涼
半夜雲高蟾噴暈
一秋風緊桂飄香
鳥驚危樹棲無定
人倚空樓望更長
遙憶洞庭南去客
葉翻波急駐歸艎

雷塘晚歸

塘梢黯黯夕雲低
蒼莽荒原望四迷
海日光寒銜島樹
江湖聲暴壓城鞬
喬林風勁橫鵬眼
淺草霜乾快馬蹄

戰血未收邊戍苦
玉龍誰爲一提攜

夜意

沈寥爽澈游氛收
淡河如掃凝不流
影過遠水雁侵月
目斷故鄉人倚樓
黃葉半林霜送曉
悲笳一曲風橫秋
江南幾載未歸客
燈寂帳寒心正愁

遊山寺

寒日征驂懶復回
經宵仍喜駐巖隈
徑盤幽迹遙知鹿
林逗清香定有梅
曉影瘦猿窺澗溜
夜聲肥犂炆爐灰

案一本對作
栗炆訛託

我心非動我非靜
白足禪僧無妄猜

書四望亭

軒然獨到碧峯頭
萬里青霄入寸眸
日夜松聲如雨急
古今山色與雲浮
廢朝風物依然在
客路江波滾滾流
漢輦已沈江樹老
天涯寂寞下歸舟

客感

行子征驂去易迷
故鄉回首在天涯
春心南陌風光遠
曉夢西樓月影遲
沈客帶寬無奈瘦
阮生車斷不勝悲
花狂蝶亂家園晚
何事東歸竟未期

夏夜宿江亭有懷

夜衝江浦始停舟
天際蕭騷急雨收
枕上月華清到曉
簾間風意冷如秋
一溪碧水懷歸意
九陌紅塵倦旅遊
待得星稀城角斷
舊醪消盡起新愁

京口遇大風

虹蜺赫奕射中天
怒竅風號勢塢然
雲翼扶搏彌九萬
海帆飛迅越三千
鯢噓駭浪時開闔
鼉負靈山或泝沿
安得琴高控雙鯉
一驅霾曠靜洪淵

遊賞心亭

六朝遺跡此空存
城壓滄波到海門
萬里江山來醉眼

九秋天地入吟魂于今玉樹悲歌起當日黃旗王氣昏
人事不同風物在悵然猶得對芳樽

四并亭

蹀林初躍玉羈旋已覺芳菲近日邊塞上燕脂侵酒面
江南寒食落歌前魂迷一水花臨浦醉入東風絮滿天
金谷更饒春色好四難猶恐負華年

樓上會友述懷

烟城疎雨隔斜陽一上危樓睇大荒原憲自貧非苦病
次公未飲已多狂江帆來往年光度驛堠東西客意長

最愛南朝風物好醉魂常夢水雲鄉

聞琵琶

夜拍水雲非故鄉未聞終曲已淒涼舟中月白寒江濶
馬上酸風紫塞長思婦有懷停別杵征人無語對清觴
平時不見秦城役餘韻空傳戰壘荒

秋雨

秋容浩蕩夕雲高旻寓蕭然絕一毫漢塞草平嘶牧馬
越溪風急送歸舸天衢夜失清蟾魄海國寒飛白鷺濤
誰共危樓凌爽氣左持樽酒右持螯

友生失意

夢到天閭寤翼傷拂衣歸去樂江鄉丈夫豈識原非病
丞相應嗤蓋有狂失馬未須嗟北塞過關重約使南陽
君知韝上雄飛日秋勁霜嚴始一翔

題道錄陳景元中太乙宮種玉軒

一住仙祠絕世塵庭前種玉已嶙峋朝昏龍虎常聽法
左右瓊瑤自逼人翠鳳有時翻瑞影銀蟾通夕墮清津
黃金絡馬何年醉得去同遊幾洞春

留題吳仲庶省副北軒畫壁兼呈楊樂道諫院龍

圖三首

文書滿眼紛紛裏忽覺滄波起荻洲紅日不知華省暮
扁舟如下洞庭秋林泉傲物非無約軒冕拘人此未休
與拂素塵尋絕景羨君瀟洒特遲留僕被詔獨欠累至省中

誰將畫手分平遠幾度曾窺雁鷺洲六月炎風方病暑
五湖烟景已迎秋班趨規地來常晚樂道裁定諸路詩酷額日赴省中
入籠紗思未休為惜主人林下意暮鐘沈閣尚應留

聞道北窗開繪境偶來歸思滿滄洲卷簾宿鳥驚初旭
隔浦疎林似舊秋夢憶清溪知幾曲醉尋危磴欲三休

何時又賜通中枕與對雲山盡日留

金陵懷古二首

懷鄉訪古事悠悠獨上江城滿目秋一鳥帶烟來別渚
數帆和雨下歸舟蕭蕭暮吹驚紅葉慘慘寒雲壓舊樓
故國淒涼誰與問人心無復更風流

金陵懷古是首作依韻和金陵懷古又評
云此詩原刊荆公集中今以岐公集為正

案方回瀛奎律髓
載後一首其題為

控帶洪流古帝城欲尋舊事半榛荆六朝山色青終在
千古江聲恨未平設險丘陵荒蔓草壓邨桑柘接新畊
十年重到無人問獨立東風一愴情

登懸瓠城感吳季子

將軍戈甲從天下丞相旌旗匝地來堪笑怒螳猶強臂
不知蟄戶欲驚雷咄嗟武相深冤洗指顧山東治境開
吏部聲名千古在斷碑何處臥蒼苔

三鄉懷古

清洛東流去不還漢唐遺事有無間廟荒古木連空谷
宮廢春蕪入亂山南陌絮飛人寂寂孤城花落鳥關關
登臨幾度遊人老又對東風鬢欲斑

登海州樓

城外滄溟日夜流城南山直對城樓溪田雨足禾先熟
海樹風高葉易秋疏傳里閭尋故老秦皇車甲想東遊
客心不待傷千里檻外風烟盡是愁

新亭

獨上新亭怨不勝荒城搖落暮煙凝翠筠無限悲湘水
玉碗空聞泣茂陵秋館樹寒風戰葉夜樓人散雨飄燈
紫臺路遠關山隔回首陰雲幾萬層

涿州

涿州亭下柳依依誰折長條送客歸曉月未消燕戍酒

春雲初拂漢臺衣玉堂社燕宜先入沙磧晴鴻已半飛
回首青山欲千里行人猶自馬駢駢

冀館春夕見月

甚寵無如使北行曾同萬里聽邊聲黃金臺下嘶宛馬
木葉山前度漢旌纔到關南逢雁盡重來海上見波平
故人臨月應相望一夕寒光特爲明

正月五日與館伴耶律防夜讌永壽給事不赴留
別

萬里來持聘玉通今宵賓燕爲誰同羌歌自醉天山北

漢節先隨斗柄東
半夜騰裝吹朔雪
平明躍馬向春風
使車少別無多戀
只隔燕南一信中

被詔攷制科呈胡武平內翰三首

奉詔金門草聖題
平明趨過殿西墀
宮牀賜筆宣名早
赭案焚香上策時
朝論只應收俊傑
皇心非不監安危
玉堂詞客承恩久
幾度曾來醉御卮

禁中屢頽醉
醴銜飲幾醉

清曉華芝度景陽
凝巖又許對西廂
通宵客夢聞鈞吹
幾日朝衣帶御香
東觀圖書經屢讀
舊蹊桃李見新芳
三千文字皆奇冊
飽死侏儒詎足量

忝班清禁接嚴徐
詔侍延英訪對初
滄海烟霞連太液
丹青日月近雕輿
明廷已奏河汾策
紫府誰將姓字書
從此青雲知有路
致君材業不應疎

靴淀除夕之會呈王原叔給事燕唐卿諫議

歲華相逐走燕塵
此夕羈懷暫一申
把手豈辭三處酒
是夕例有
三番之會別家看作二年人
因逢塞雁驚來信
卻憶江梅贈去春
莫向天涯憂白髮
東風猶與到關新

元日呈原叔給事唐卿諫議

欲曉東風拂面來
征驂初喜共春回
九天應下階庭拜

萬蟄先驚漢地雷冷徹貂裘須護節和侵氈屋莫窮杯
出疆慷慨男兒事未信霜顏便一摧

戲呈唐卿

行到鹿兒山更惡八千歸路可勝勞長安日遠思親髮
紫漢星回促使輶曉磴雲濃藏去驛陰崖冰折斷前橋
羈懷一夕猶難遣況是辭家九十朝

莫京甫知事有臺掾之辟賦詩識別二首

烈士思酬國士知雲霄羽翼政相期人言雅望臺中妙
我識壯懷天下奇自是英才爲世用由來了事笑兒癡

回頭說向虞羅輩鵠舉鸞騫可得羈

蘭生空谷混荆榛不礙幽香到處聞幕府才流推謝掾
宣州賓客憶崔羣清懷疊陣三秋月行橐雙溪一片雲
白髮書生何以報慚君出力衛斯文

胡則大學正滿秩趨京賦詩爲贈

一室蕭然數卷書三年冷掾出無驢每因芳草憂鶉鴝
苦詠場苗羨白駒俗吏何嘗知大體清朝方急用真儒
燕臺此去流聲實見說諸公誦子虛

訪別成獻甫經歷時新拜西臺御史之命二首

江上秋風吹繡衣客槎西上渺天涯得爲李御平生願
一識荊州是別時栢署行分秦地月棠陰好在召南詩
日邊消息長安近佇聽朝趨上玉墀
寒露迎風一段冰高標孤映宛之濱人言飈擊須鷹隼
我喜時清覩鳳麟佇看仙班朝北極暫移星節照西秦
皇華禮樂君恩重好訪巔崖慰遠民

又上監察御史

時州縣方議役儒

一札興賢聖化新觀光上國已彬彬右文幸際休明世
奉詔猶須牧守臣鵷鳩不爲芳草計鷓鴣似畏爵羅人
輶車到處天恩遍祇有儒林欠得春

普淨院避暑呈陸子履學士

九衢車馬囂囂地偶過禪房得暫閒畏景未移天正午
涼風已到殿中間瓜餘玉筯蠲煩肺冰滿銀壺照病顏
向晚斗城趨禁直恍疑身不在塵寰

東樓

漢家宮省青槐下信斷鼇峯日易斜應爲能言鑠鸚鵡
翻愁無思學楊花風波滾滾驚人事文字孳孳老歲華
偶向東樓望春色歸心不覺到天涯

呈永叔書事

詔書初捧下西廂重棘連催暮鑰忙綠繡珥貂留帝詔
是夕有綠衣中使傳宣紫衣鋪案拜宸香卷如驟雨收聲急筆似
 飛泉落勢長十五年前出門下最榮今日預東堂

再召至龍圖閣觀書

君王又詔蓬萊宴三閣崔嵬壓海鼇翠玉裝輿容扈蹕
 黃金塗紙看揮毫堯文自與星辰爛漢殿常依日月高
 四十年來無此會恩深不覺醉仙醪

較藝書事

日薄寒雲下結鱗忽馳詔騎絕飛塵麻衣半犯秦關雪
 魚鑰橫催漢署春黃紙帖名書案密棠梨雕字賦題新
 高才頃刻聞天下誰是墻東冠榜人
元和以前張榜南院東墻

仁字卷子

文昌清曉漏聲疎曾看飛泉落筆初詩入池塘似靈運
 賦傳宮殿學相如春官不下真朱點陰注將成淡墨書
 見說丹臺名第一藥章須詔侍嚴徐

信字卷子

春闈只恐有遺材據案重將信字開白石謾應歌甯角

黃金枉是起燕臺侵更競看倉惶筆

盧光啓著舉子事更深試未了即被

入圍看筆札倉惶多誤

薄晚誰銜耗耗盃

不捷而醉謂之打耗出李肇國史補

文

字須從勤苦得莫露雙淚向塵埃

較藝將畢呈諸公

文昌宮裏柳依依誰折長條贈我歸雨潤紫泥昏詔墨
風吹紅藥上朝衣玉堂燕子應先入朱閣楊花已半飛
寒食未過春景熟好同天陌去駢駢

較藝書事再呈永叔并同院諸公

小雨班班拂曉除新禽格磔靜相呼眼窺夜卷千花碧

肺渴春盤幾露珠只見樓頭飄落絮不知門外長青蕪
玉堦未放金書榜誰識秦關舊棄繻

聞喜燕上贈狀元葉祖洽

黼座親臨唱第初宴嬉猶及苑花餘青廂特訪安危策
紫府應將姓字書御酒連傾金鑿落官牀曾賜玉蟾蜍
從來晁董多奇論三日英豪亦未疎

呈景仁偶書

昔對芳樽常感慨今同華髮半蕭疎唐家一代成青史
景仁新刊漢殿多年誦子虛丹鳳春裁西掖詔白麻夜

草北門書幾時卻奉承明謁玉藥花邊竝直廬景仁新被召集

掖與余直舍並在西廡

呈景彝偶書

一從奉詔銀臺路下馬成詩奪鳳毫東觀已陪窺秘錄

南宮又接較羣髦阜祐中嘗同較藝南宮芝封紫掖文章貴星近

端門氣象高景彝近自西垣有中司之拜今是漢庭三獨坐夜吟猶

許醉春醪

舟行述懷寄公儀

昔陪畫省對春菲今日逢春未得歸灼灼海棠誰復折

差差燕子又還飛清尊須惜良辰共白髮俄驚萬事非
昨夜淮山好風月為君中夕促瑤徽

又寄公儀四首

紫掖新書換使符春晴紅旆照行艫曾持白簡風何厲

更伏青蒲論益孤公今官諫列月露清吟應到骨江山別夢

欲成圖聞教雙鶴先歸去還到遼城似舊無聞先寄二鶴西歸別墅

又擁雙旌去守蒲波從天上泛歸艫青雲慷慨逢辰早

白髮逶迤事主孤薄宦多端非我素清吟終日是君圖

錦江春色年年好憶把遊人醉袖無

公謁告西歸久而未報

千里行行近帝都拍堤新浪喜衝艫天涯芳草春過盡
樓北浮雲客望孤醉倚東風輕萬事夢留滄海阻歸圖
為憐何遜多才思還信休文帶減無

花撲行人柳陰渠每逢嘉趣為停艫留連一水風光暮

悵望今宵月影孤

睢陽之會又經再夕

漢橐暫持來法從臯禽還

引上仙圖中條候騎知非遠肯盡都門別酒無

新城寄瓦橋郭太傅

水天行絕駕歸輶十里清烟望界橋此夕離音留使節

一心上苑看晴霄燕雲逐馬逢春斷朔雪霑衣入塞銷
寄語當時四并客東風應已徧柔條

寄公闢

念昔都門手一携春禽爭向苧蘿啼夢回金殿風光別
吟到銀河月影低舞急錦腰迎十八酒酣玉醖照東西
何時得遂扁舟去雪棹同君訪剡溪

上元

昔年今日從宸遊綵仗紛紛已御樓半夜衆星來紫極
一春萬火縱丹丘玉欄曾侍看山久翠葦仍酣賜醴優

錦帳宵寒薰易歇夢魂直欲到天頭

自述

少從客路千波轉老入流年萬事疎野鶴定知乘寵誤
春冰多愧踐名虛幾思漢殿金盤露恣閱蓬山綠字書
未報君恩成白髮翻然江海羨吾廬

華陽集卷三

華陽集卷四

宋

王

珪

撰

七言律詩

恭和御製上元觀燈

雪消華月滿仙臺萬燭當樓寶扇開雙鳳雲中扶輦下
六鼇海上駕山來鎬京春酒霑周燕汾水秋風陋漢才
一曲昇平人共樂君王又進紫霞杯

依韻和章樞密景靈宮奉安列聖神御

清都鏡吹犯宵寒寶帳雲龍度帝關禁蹕忽傳天直北

仙山元在海中間九門日月蒙嘉氣六殿衣冠繪粹顏
翠輦歸來朝獻罷千官齊拜未央班

依韻和賈直孺舍人初春祠左太乙二首

嚴祠初綴漢墀班燦燦珠煩照幄寬玉殿威神來帝福
紫垣風骨敵春寒芝華擁蓋陰猶合桂醕流觴飲欲殘
拂曉東風迎馬首鳴珂歸背月珊珊

太乙靈宮近帝都夕迎丹節下層虛方從宣室承釐後
更約浮丘把袂初文藻自高鵠掖詔姓名應冠藥臺書
我慙昔預祠春客曾夢鈞天侍燕胥

昔年嘗被詔祠立春

依韻和梅聖俞從登東樓三首

萬燈初燒寶龍山御路先迎綵仗還紫極躔星來帝所
仙風遞管落人間芳醪欲泥追嘉節紅燭翻驚照病顏
曾從宸遊燕雙闕夢魂通夕繞嚴關

五雲扶闕對南山風獵丹丘燒影還鳳蓋斗回天北畔
瑤臺直到海中間漏寒錦帳遲歸夢波暖金鍾艷醉顏
誰在玉樓歌未足林梢春鳥已關關

雲日暉暉下碧山誰從滄海宴初還香車輾輾紅塵裏
紫闕峩嶢瑞氣間午夜笙歌移法曲滿城桃李鬪朱顏

金吾不禁天街鼓獨有文闈已上關

和林喬年學士普淨院避暑

汨汨紅塵倦往還偶來偷得似僧閒一心自別清涼處
萬事如經夢寐間盡日禪房揮玉麈幾時仙嶺對冰顏
知君有術消煩暑旋琢瓊瑤出道山

和聖俞春雨

雲飛寒影欲千層暝雨兼風斷復增罽罽池臺空鎖樹
蕭蕭簾幕更颺燈歸將春晚花應笑老入年來酒易凌
溝水東西人悵望錦書雖襞爲誰憑

依韻和元參政喜雨四首

歲旱連春與俗憂忽興嘉雨徧羣州郊禾蕤蕤青如積
宮瓦差差翠欲流良弼爲霖辜宿望神僧作霧應精求

雨前一夕上夢異僧吐雲霧興雨及覺求其象佛閣中乃第十尊羅漢上之精祈感應如此西成喜

有登年候況此新晴見黍秋

瑤津禱雨見皇憂誰約金仙下帝州樓閣繞雲千地湧
魚龍噓水五天流至精自與三靈契殊例終緣萬宇求
柄國老臣無異術但將嘉應續陽秋

紫殿宵祈感聖憂玉毫曾降梵王州慈深三界雲常聚

法徧諸天雨自流
穰穰趁耕皆帝力
汙邪滿載爲民求
年年膏澤霑羣物
愧未酬恩鬢已秋

君心常與下民憂
嘉應爲霖詎一州
夢繞金人雲氣滿
笑回玉女電光流
已成沃野千箱望
豈事靈壇屢舞求
邊粟定儲三百萬
臯蘭何必豫防秋

和元參政喜雪

千里同雲向夕繁
風迎嘉雪臘前翻
紫壇轉仗回馳道
玉律驚灰入奉元
半夜桂花飄碧海
先春柳絮撲朱門
萬方已有豐年號
不惜當筵醉御樽

次胡則大賦雪韻

凍雀無聲風葉乾
坐來飛霰洒窓寒
梅花歲歲如相待
瓊樹朝朝不厭看
邑犬倉皇驚越俗
崖松偃亞老秦官
衰顏不作安仁樣
一任斜吹上鬢端

又次韻

吟邊莫放酒杯乾
玉樹瓊樓不奈寒
授簡誰當梁苑賦
泛舟聊作剡溪看
但知盈尺占豐歲
豈爲無氈笑冷官
想得題詩呵凍硯
固應清興入毫端

和石昌言舍人酬王景彝學士雪霽有懷

寒雲飛斷九門深日上扶桑海氣沈初見雲端浮紫闕
忽驚塵外列瑤林芝封詔墨春生潤綺結官錢夕帶陰
官職聲名君自有何妨更絕郢中吟

樂天贈楊給事落
句不用更教詩句

和劉原甫舍人雪霽早朝

琪樹無聲粉藥圓峇峩雙闕射雲鮮寒交玉珮趨三殿
曉拜珠旒下九天仙仗影翻初照日高門塵絕欲生烟
燕餘寶陌騰歸馭更爲都人賦有年

依韻和宋次道龍圖閣曝書

五雲迎曉禁廬開不及華衣曳老萊先人久典
校祕文寶藏發
函金作界仙醪傳羽玉爲臺已逢天上非常景更約人
間第一材白首廟堂終乞去明年此會定應來

依韻和張文裕龍圖賀執政入東西府詩

微生巾褐本蒿萊叨遇優賢府第開雲繞連甍依象闕
玉調清管下鈞臺幾年憶共鷓鴻侶今日慙非柱石材
莫訝門庭光采盛金輿親屈至尊來

又依韻和吳樞密上史館王相公西府偶成

冲卿
昔與

潭潭相對府中居見說論交二紀餘喜賜御花新燕後
憶乘天馬並遊初公期異日還伊水我合窮年老石渠
早晚相從掛雙紱午橋春雨看園蔬

依韻和吳樞密上王相公同召赴資政殿聽讀詩
義感事

清曉陳經秘殿中關雎首化屬周公人穿豹尾班初上
日轉螭頭講未終述作雖尋前聖遠討論猶待後賢通
漢庭無更矜他說自有匡衡發帝聰

依韻和吳樞密正月二日留題曾侍中齋閣

昨日春風變舊年連珂來訪紫芝仙三朝元仗鴻鈞手
萬里今同不繫船壽酒一傾人共醉賜書千軸子多賢
從前身退如公少莫把長竿憶渭川

和景彝正月二十八日偶書

樹含春色明兼暗雲帶朝寒去復還未有燕回羅幕上
不知人在玉樓間吟魂幾遶青山曲醉夢多遊紫府關
待得歸時花未老莫因寥落起愁顏

和景彝對花

林梢拂曉禽初哢門外經春柳自搖可嘆流年催白髮

便將幽意屬芳條玉盃放酒成蕭索錦帳留燈照寂寥
任是名園更風雨殘枝須插醉明朝

依韻和景彝觀刑部廳燕侍郎畫山水二首

昔人曾此憐幽壁醇墨今留隱約間猶帶驚波下滄海
常迎爽氣入朝山苔文半染風霜古鳥影時過歲月閒
誰更瀟湘移雨竹滿軒疎灑翠成斑

秋曹壁上奇山水官冷尤將野趣宜翠竹忽逢行盡處
白雲相伴看多時于今絕筆誰還識當日清吟亦欠詩
猶喜一來重拂拭慙無佳句續君辭

余昔領刑部亦無燕公山水詩

和三司蔡君謨內翰麀猿蘆鴈屏二首

麀猿未省京華見畫筆新傳思入神綠野春深將戲子
空山月午掛吟身只應有夢須懷土卻爲無機不避人
我愛林泉舊時景常來此處暫相親

江蘆初老度新鴻誰把高情託畫工索索西風刷寒羽
蕭蕭殘日伴疎叢漁舟欲下灘聲急談麀重揮暑氣空
身在計庭歸未得每將秋思入圖中

依韻和蔡參政導洛

浩浩洪河一派收亘山回洛駭陰虬錦張客慢從隋去

龜負神書入宋流波急滿川跳萬鯉氣温銷凍運千舟
誰言伯禹能行水不見當時為帝謀

依韻和蔡樞密山藥

鳳池春晚綠生烟曾見高枝蔓正延

中書第一廳有故相呂文靖手植山

藥常伴兔絲留我篋

兔絲以山藥為使已服十數年有助厄殘

幾隨竹葉泛

君筵

子正家為山藥酒最佳去冬屢享之

誰言御水傳名久須信睢園得

地偏纔獲靈根便親植一番新葉已森然

依韻和蔡相公宣賜金橘

翠芳亭畔曉霜寒朱實離離覆御欄況是園林都未有

初無塵土略相干黃欺晚菊垂金砌圓並明珠落鈿盤
珍重九霄新賜得好同仙露薦朝餐

依韻和蔡相公侍燕集英殿

元豐七年三月十八日是日皇子延安郡

王侍立

春風又侍瑤池宴帝子初臨黼座傍花覆衣冠多喜氣
雲扶宮殿滿榮光仙人來獻重輪曲丞相仍裁湛露章
身老太平殊未報年年更得奉君觴

依韻和景仁聞喜席上作兼呈司馬君實內翰

奉詔華林事最榮門前幾度放門生三朝遇主惟文翰

十榜傳家有姓名自太平興國以來碧海蟠桃和露重

丹山雛鳳入雲清詩書教子終須立篋裏黃金一顧輕

予與景仁君實皆有子登第

依韻和景仁寄河中公儀龍圖

錦江回日應迢遞聞道秋來已到城南省深沈春又鏤

東樓悵望雨中情公儀昔同知舉嘗登東樓賦春雨詩河聲欲轉吞鼙鼓

山色初明照旆旌別後新詩有多少鍾磬那得為君評

和公儀上馬

天微星畔鏤中臺五歲重叨第衆材桃李更饒當日盛

詠觴尤喜一春陪賦成英俊無過潔奏號詩似神仙並

姓梅公儀聖俞廣唱最多拂曉便隨新榜出九門風景馬前來

和公儀飲茶

北焙和香飲最真綠芽未雨帶旗新煎須臥石無塵客

摘是臨溪欲曉人雲疊亂花爭一水閩中鬪茶爭一水鳳團雙

影貢先春清風未到蓬萊路且把吟甌伴醉巾

和公儀送白鵬于永叔公儀自滑州歸

清風樓古琴三尺樓在滑臺中玉藥花飛酒幾缸月窟憐君

霜兔獨金莖誇我露禽雙白鵬浴雪來春檻古瓦涵星

送曉窻悵望紫微池上鳳主人品自經邦

和永叔出省有日書事

青葱嘉樹鎖連甍閒憶東樓望遠情禁壘曉烟浮舊色
御溝春水漱新聲杯盤冷落留芳草簾幕陰沈聽亂鶯
漢殿未傳紅蠟燭到家猶得趁清明

依韻和永叔戲書

良辰并與賞心難偶對青樽且共歡夢憶江湖無奈遠
吟牽月露不勝寒曲逢郢雪須歌盡漏遶宮花幾聽殘
朝鎖漢臺空帳望欲將春恨託飛翰

依韻和王宣徽冬燕

丞相華堂燕斝飛君恩自與衆心期魯臺況值書雲後
漢殿仍經喜雪時便有東風來翠幕別翻新曲度瑤池
教坊近傳
六符新曲可傷衰病無材思欲續高吟媿色絲

劉損齋主簿見示遊廣教和劉朔齋詩次韻

紅葉村邊白版扉林間剝啄愧新知離居自信難同俗
載酒何時許問奇黃蘗人亡空有寺錦袍仙去更無詩
知君此日登臨意不比兒曹飽腹嬉

依韻和曾侍中謝二府相顧

年年常過平津館解組歸來苦未羸曉日初臨金闕動
春風正與玉杯期三公就第誰同壽丞相傳經自有兒
感舊不辭今日醉江湖思去已多時

華陽集卷四

華陽集卷五

宋

王

珪

撰

七言律詩

聞种諤米脂川大捷

神兵十萬忽乘秋西磧妖氛一夕收匹馬不嘶榆塞外

長城自起玉關頭

兵未進討邊人望見漢城列峙西界中

君王別繪凌烟

閣將帥今輕定遠侯莫道無人能報國紅旗行去取涼州

依韻和蔡樞密岷洮恢復部落迎降

河湟形勝厭西陲忽覺連營列漢旗天子坐籌星兩兩
將軍歸旆印纍纍稱觴別殿傳新曲銜璧名王按舊儀
江漢一篇猶未美周宣方事伐淮夷

和元厚之平羌

詔收新土鳳林東四百年來一戰功蔥嶺自橫秦塞上
金城還落漢圖中輕裘坐款無遺策折箭來庭有舊風
零雨未濛音已捷不勞歸旅咏周公

滕學士移河朔

五鼓聲沈曉色回北馳馬首望燕臺舊趨武帳清光近

新會仙山秘典開人情憩棠餘愛遠帝忻借箸密謀來
邊城消盡還兵喜誰敵陽關決勝才

送陸子履修撰出守澶淵

前守滑臺

金門學士富才華又擁雙旌照水涯海日三竿隨放仗
春風五馬去如花帳兵夜握龍泉濕舞女朝垂錦帶斜
君看有唐賢太守風流常是屬詩家

送富郎中守蘇州

綠綈傳詔下天畿驛馭駸駸擁使駢境上人瞻司馬節
里中晝耀買臣衣賓帷華履侵宵會農野朱幡帶雨歸

方有壯圖深許國庾園無計戀芳菲

送吳仲庶待制出守長沙

畫船催鼓送將行一醉離觴下玉京
延閣漏閒空紫橐洞庭波起獵紅旌
曾冠獬廌姦回讐却佩龍泉種落驚
莫向江城嘆卑濕賈生不似使君榮

送元厚之待制出守福唐

南擁旌旗照海傍甘泉新第從臣章
三休華閣窺天象幾日朝衣帶御香
溪水雙流隨畫楫荔枝初綠映雕觴
頽春莫向常思嶺歸夢先應到帝鄉
常思嶺在閩縣

送向防禦出守淮陽

漢符新寄近天畿便別星班下曙扉
金印旋成龜左顧瑤箱嘗認燕雙歸
春風滿野紅旌駐夜雨侵筵翠傘飛
況是韋平有家學須將名譽敵恩輝

送程公闢給事出守會稽

兼集賢殿修撰

越州太守何蕭灑應為能吟住集仙
雪急紫濛催玉勒公闢新奉使歸
紫濛北國館名日長青瑣聽薰絃
一時冠蓋傾離席半醉珠璣落彩牋
自恨君恩渾未報五湖終負釣魚船

送何聖從龍圖將漕河東

平明捧詔未央宮全晉山河九曲東官著繡衣驚曼倩
文傳錦里壓揚雄紅旌照日鄰天上玉劔橫秋入塞中
每下銀臺南畔路風塵那復舊時同樂天詩銀臺南畔路始是到人間

送汪叔志赴平江州同知

叔志連鰲桂苑展驥巴陵良為欣抃顧我輩情
鍾相望雲泥不能無離索之感因成俚句以為

別懷庶幾無忘角弓之意云爾戊午良月中浣

鵠袍纔卸便牙緋笑我山中芟製衣姓字兩回香桂籍
聲華一日動天扉政有霜螯須別駕待呼巴菊壽慈闈

千古岳陽登覽地好詩相寄莫相違

奉詔赴瓊林苑燕餞太尉潞國文公出鎮西都

都門秋色滿旌旗祖帳容陪醉御卮功業特高嘉祐水

公至和申首陳建儲之策精神如破貝州時白居易獻裴晉公詩云

初破蔡匣中寶劍騰霜鏑海上仙桃壓露枝
公之子近有登瀛洲

命之昨日更聞褒詔下別刊名姓入烝彝

瓊林苑御筵奉送致政太師潞國文公歸西洛

祖燕催移玉殿班都人齊向苑傍看古來少有三師退
天下曾將大器安綠野春深花更好石樓夜午月應寒

塵埃抖擻無餘事却憶礮溪舊釣竿

和致政太師潞國文公以賜燕玉津園感恩述懷
玉符初解自逍遙暫駕安車近九霄無限高名齊少室
不言休績在三朝好披雲篋呼遼鶴忽把仙巾換漢貂
御苑清明開特燕莫辭仙醴勸金蕉

資善堂御筵送太子少保致仕李東之歸西京治平四年奉

聖旨撰

紫閣飛章謝寵名離筵特地敞宮楹杯深御酒先成醉
坐上中使持金荷葉杯勸酒少保感荷恩遇不覺霑醉衣拂京塵頓覺清少室舊

遊窺玉鬻甘盤餘訓薄金籬誰言疏傳東歸盛不得住
玉一餞行

資善堂御筵送尚書刑部侍郎致仕李受歸廬山
都門車馬動行塵詔集華堂寵退臣延閣帶經為舊老
商山攜杖作歸人燕回天上還侵晚夢入江南已見春
曾抱遺弓泣陵土此生無復犯龍鱗侍郎先帝東宮舊
靈駕西還即
致仕以歸
臣嘗為諫官近陪

送沁景仁正議致政歸潁昌

十年漢殿辭榮去潁水今歸作故鄉曾賦洞簫真蜀客

能吟夜雨勝何郎

公少以詩賦動場屋

放懷雲外追黃鵠別夢春

深過玉堂可惜當年挂冠早華星不及到文昌

送公闢給事自青州致政歸吳中

青瑣仙人解玉符秋風一夜滿江湖曾歌郢水非凡曲

未掃旌頭負壯圖

公昔北使憤然屢折敵人

終日望君天欲盡平生

知我世應無扁舟應約元宮保瀟灑蓮涇二大夫

採蓮涇在

蘇州南園後

送僧惠思歸錢塘

城邑喧喧非所依忽生秋思滿巖扉晨跌未雨千花落

晚渡臨風一錫飛定有魚龍窺供鉢應無塵土上禪衣
寶文聖偈誰為解只恐林泉亦暫歸

送人東歸

會稽新綬振恩輝故里人瞻畫錦歸驪馬在門歌祖席
彩絲當膝戲親闈霜天夕霽丹楓老水國秋深紫蟹肥
遶閣雲山吟有助高談終日訟筩稀

輓霸州文安縣主簿蘇明允

岷峨地僻少人行一日西來譽滿京白首只知聞道勝
青衫不及到家榮元猿夜哭銘旌過紫燕朝飛挽鐸迎

天祿校書多分薄子雲那得葬鄉城

贈太師中書令魯國曾宣靖公輓詞二首

熠熠台符切太微滿朝文物盡光輝曾扶聖日攀雲上
便回春風解組歸一代衣冠矜闕閱同時父子筦樞機
人生富貴誰難致八十如公自古稀

璧宮人去水潺潺帝輦空臨淚一潛白玉薦樽陪廟食
黃金灑翰落碑顏星辰掩靄移天上桃李芬芳滿世間
門外沙堤何日盡只應陰施在銀山

工部尚書致仕王懿敏公輓詞

慷慨當年論太平諫書雖在已塵生三秋勝氣橫金甲
半夜離歌掩玉笙庭下綠槐空自老匣中長劍爲誰鳴
壯圖未就冠先掛從此無由聽履聲

贈侍中李良定公輓詞

悲簫忽犯曉樓鐘樽酒應非昔餞同家貴曾還金鉞寵
時清不見玉關功佳城蔓草千年閉後院繁絃一夕空
惟有平陽舊池館依然芳樹倚春風

贈太子少師元章簡公輓詞

天子思賢共政塗中台前日得真儒正看浴鳳來雖晚

不覺冥鴻去已孤曉月猶臨千里梓

千里吳塘地名

春風又卷

五雲圖

中書舊參政東廳有五色瑞雲圖公嘗賦詩

誰過南蕩青山下只恐

高名自古無

贈禮部尚書邵安簡公輓詞

公嘗知鄆州

獨騎箕尾去凌虛枉駕追鋒作召車衣褐誰陳定美冊

汗青猶載立儲書

公慶歷中論西事拜官嘉祐中嘗建立儲之議

春風澤國吟

賤冷夜雨溪堂燕豆疎曾向江湖握君手相從朝路一

華胥

贈太尉呂惠穆公輓詞

秦川歸騎照山紅不覺悲簫起暮風天上紫樞深北斗

人間金印獨三公漢庭樽俎奇謀在隴首旌旂殺氣空

見說韋平有家學莫將文字葬墳中

刑部侍郎致仕王熙仲輓詞

解組歸來歲月侵應無塵土上華簪猶聞別鶴山中怨

忽送冥鴻日外沉洧水于今寒露起漢臺依舊白雲深

與君曾論平生事不覺臨觴淚滿襟

贈禮部侍郎宋次道輓詞

平日朝廷重老儒何人奕葉在青途吟賤夜月驚鵲兔

談塵春風落寶珠金石誰新三代樂丹青空上兩京圖
可憐東觀書垂就不得君前萬歲呼

張思愚輓季子敬

逍遙林壑老生涯屬續俄驚鏡裏蛇言行何當記先友
兒童猶憶接通家青囊占兆埋雙劍素業流傳富五車
耆舊凋零似霜木敬亭西望淚橫斜

汪夢雷輓陳祥卿 哲山人陳嘗從先生游

總角雞窗承考訓記同筆墨又同庚龍門浪暖科名起
鵬路風高世運更政爾疑年思絳縣俄驚疇昔夢殷楹

蘭蓀四世圖家慶老友追思獨愴情

華陽集

卷五

六
王
朝
梧
校

華陽集卷五

聖